

## Misaun mak sentru (fuan) fiar sarani nian

Maun alin doben sira,

Tinan ida ne'e mós Loron Misaun Mondial nian sei halibur ita hale'u Jesus, "Ida ne'ebé dahuluk no Evanjelizador boot liu" (Paolo VI, Esort. Ap. Evangelii nuntiadi, 7) ne'ebé kontinualemente haruka ita atu haklaken Evanjellu domin Aman Maromak nian hodi Espirito Santo nia kbiit. Loron ida ne'e konvida mós ita atu reflète dala ida tan kona-ba misaun mak sentru fiar sarani nian. Tan ne'e, misaun mak Kreda nia natureza; se la nu'une'e karik, sei laós ona Kreda Kristu nian, maibé hanesan de'it asosiasaun ida entre asosiasaun seluk-seluk, ne'ebé sei lakun mohu lalais ninia finalidade rasik. Tamba ne'e ita simu bolun fo atensaun perguntas ne'ebé kona loos ita nia identidade nu'udar kristaun no ita nia responsabilidade fiar nain nian, iha mondu ne'ebé moris iha duvida ho ilusaun oi-oin, kanek ho frustrasaun boot no funu sira ne'ebé haterus liu mak ema kiik no kiak sira. Sa'ida mak fundamentu misaun nian? Saida mak sentru (fuan) misaun nian? Sa ida deit mak atitude vital misaun nian?

### Misaun no kbiit transformadora Evanjellu Kristu nian, Dalan, Lia-loos no Moris.

1. Kreda nia misaun, hato'o ba ema hotu-hotu ho hakaran di'ak, mak metin iha kbiit transformante evanjellu nian. Evanjellu mak Lia Foun diak ne'ebé lori iha an rasik Ksolok contajioza ne'ebé nakunu no oferese moris foun ida: Kristu moris Hias nian, Ida ne'ebé komunika Espirito moris nian, sai Dalan, Lia-loos, no Moris ba ita. (cfr Jo. 14,6) Mak Dalan ne'ebé konvida ita atu tuir ho laran metin no aten-berani. Tuir Jesus nu'udar Dalan ita koko (esperimente) Lia-loos no simu nia moris, ne'ebé mak Komuñan ho Aman Maromak ho Kbiit Espirito santo nian, ne'ebé halo ita sai libre husi forma egoismu no nu'udar fonte kreatividade iha Domin.
2. Aman Maromak hakarak transformasaun ida ezistensial Nia oan mane no fetu sira nian; ne'ebé mak esprime nudar orasaun iha Espiritu no Lia-loos (cfr Jo. 4,23-24), iha moris ida animada husi Espirito Santu atu banati tuir Na'i Jesus ba Aman Maromak nia Glória. "Maromak nia Glória mak ema ne'ebé moris" Adversus haereses IV, 20,7). Ho maneira ne'e, lia haklaken evanjellu nian sai liafuan moris no efikas ne'ebe atuáliza buat ne'ebe ita haklaken. (cfr Is 55,10-11) katak Jesus Kristu ne'ebé halo-An ba Mane iha situásaun hotu-hotu ema nian (cfr Jo 1, 14)

### Misaun no Kairos Kristu nian

3. Kreda nia misaun la'os, atu habelar ideologia relijiosa nian ida no la'os mós proposta etika nian ida sublima. Movimentu barak iha mundu haténe produz ideal elevado ou espresaun etika ne'ebé ema hotu haténe. Liu-husi Kreda nia Misaun, Jesus mak kontinua evanjeliza no moris tuir, tan ne'e Kreda representa Kairos iha estoria Salvasaun nian. Tan Kreda mak representa Kairos Liu-husi proklamasan Evanjellu nian, Jesus sai foun iha ita nia tempu, atu ema hotu ne'ebé simu Evanjellu ho fiar no domin bele koko kbiit transformadora Ninia Espirito Moris Hias nian ne'ebé haburas

umanidade no nudar Kriador halo udan atu habokur rai. «Ninia Moris Hias la'os buat ne'ebe passado nian; maibé nakunun ho Kbiit moris nian ida ne'ebé tama borus mundo. Ne'e hanoin hanesa buat makmate, iha parte hotu sei mosu fila fali fini buras Moris hias nian. Kbiit ida ne'ebé la iha seluk tan ne'ebé hanesan» (Esort. Ap. Evangell gaudium 276).

4. Ita hanoin nafatin ba katak “Sai foun-foun kristaun la iha desisaun etika ida ka idea ida ne'ebé boot, maibé hasoru malu ho akontésimento sira, ho Ema, ida ne'ebe fo ba moris, orizonte foun ida, no diresaun desisivu” (Bento XVI, Lett. Enc. Deus Caritas est, 1). Evanjellu mak pessoa ida Ida ne'ebe kontinuamente oferese mai ita no nafatin konvida sira ne'ebé simu ho fiar haraik-an nian no kolabora atu fahe Ninia moris liu-husi partisipasaun efetiva ba Ninia misterio, Ninia mate no Moris hias. Ie Evanjellu hodi sai nene'e deit, liu-husi Sakramentu *Baptizmu*, be matan moris foun nian, libre husi sala nia ukun, haroman no transformada husi Espirito Santo; husi *Krisma*, sai unsaun kbiit nain, grasa husi espirito Santo, Hatudu dalan, stratejia foun testimonianza no hakbesik-an nian; no husi Eucaristia sai Hahan (comida) ema foun nian, “Aimoruk immortalidade nian” (Ignacio di Antiochia, Epistula ad Ephesios, 20,2)
5. Mundu esensiálmente presiza Evanjellu Jesus Kristu nian. Nia, liu-husi Kreda, kontinua Ninia misaun nu'udar Samaritanu di'ak, kura kanek ran umanidade nian, no Bibi-Atan di'ak, la kolen buka tuir bibi sira ne'ebé la'o sala dadan lao la ho ojektivu moris nian. No agrandese ba Maromak tan la kuran esperiensiásignifikativo sira ne'ebé fo sasin kona kbiit transformadora Evanjellu nian. Hau hanoin kona ba estudante Dinka nia jestu, ne'ebé bele fo nia moris rasik, defende estudante ida tribu Nuer nian ne'ebé destina ona ba mate (atu oho) Hau hanoin kona-ba ba Celebrasaun Eukaristia iha Kitgum, iha Nord Uganda. Tempo ne'eba grupu ribelli fuik ne'e hakanek ema barak no Missionaria sira repete beik-beik ema sira Jesus nia Liafuan wainhira Nia iha Kruz leten: «Hau nia Maromak, hau nia Maromak, tansa Ita husik Hau mesak?», Nu'udar hakilar desesperado maun no feton sira Jesus Krusifikadu nian. selebrasaun ne'eba sai be fonte konsolasaun no kbiit wain nian ba ema sira. Ita hanoin mós kona ba ema wain ne'ebé fo sasin kona ba Evanjellu nudar tulun atu supera konflitos, rasizmu, tribalizmu, promuove iha fatin hotu, rekonsiliaun, fraternidade, no partilha.

### **Misaun mak inspira espirituálide kontinua sai, Peregrina dadaun e ba fatin seluk.**

6. Kreda nia misaun mak animada ho espirituálide kontinua sai (esodo). Koalia kona ba: «Sai husi husi fatin komoda no iha korajem atu ba too iha fatin periferia ne'e presiza naroman Evanjellu nian» (Esort. Ap. Evangelii gaudium, 20). Kreda nia misaun estimula atitute ida peregrinasaun nian liu-husi raifuik maran oin-oin moris nian, liu-husi esperiensiá oin-oin hamlaha no hamrok ba Lia-loos no Justicia. Kreda nia misaun inspira esperiensiá esilio kontinua, atu halo ema sente hamrok rohan laek nia kondisaun deportasau iha dalan ba patria final. Protégé entre buat ne'ebé “liu ona” no ne'ebé “seidauk” Reinu Lalehan nian.

7. Misaun koalia ba Kreda katak nia la hotu de'it ho nia an rasik, maibé instrumentu haraik-an no mediasaun Maromak nia Reinu nian. Kreda ida ne'ebé autoreferensiál, ne'ebé kumpri ho susesu rai ne'e nian, laos Kreda Kristu nian, Nia isin krusifikasu no glorioso. Ne'e tamba ita tenke hili «Kreda accidentale, kanek, no foer atu sai ida ne'ebé sai iha luron sora di'ak liu fali Kreda ida ne'ebé moras tan taka-an no moris komoda prega metin ba ninia seguransa sira» (ibid, 49).

8. Foinsa'e sira, esperansa misaun nian.

Foinsa'e sira mak esperansa misaun nian. Jesus rasik no LiaFoun di'ak ne'ebé Nia rasik haklaken dada foisa'e barak. Sira buka dalan atu realiza aten-barani no slacio fuan nian atu servi humanidade. Foinsa'e wain ne'ebe fo sira nian tulun iha at sira mundu ne'e nian no ho dalan oin-oin no sai voluntariu (...) Furak loos, foinsa'e sira mak "mata dalan fiar nian", Haksolok lori Jesus iha dal-dalan hotu, iha piazza sira, iha siku –sikun sira rai ne'e nian!» (ibid.,106). Assembleia Jeral Ordinaria Bispo sira, ne'ebé sei celebra iha 2018 ho tema "Foinsa'e sira, fiar, no dizernimento vokasional", apresenta mai ita nu'udar oportunidade providenciál atu envolve foinsa'e sira iha responsabilidade komun misionaria ne'ebé presiza sira nia imajinasaun no kreatividade.

### **Servsio Pontifice Obras Misionárias nian**

9. Pontifice Obras Misionárias mak instrumento furak atu hamoris iha comunidade hakarak boot atu sai husi nia fatin confine no moris di'ak haklean atu lori Evanjellu ba ema hot-hotu. Liu-husi espirituáldade misionáriu iha moris loron-loron nian, empenhu konstante formasaun nian no animasaun misionáriu, labarik, foinsa'e sira, adultu sira, família sira, Nai-lulik sira, relijiozo no relijoza sira, Bispo sira, hotu envolve atu bele moris iha ema idak-idak fuan misionária nian. Loron Mundiál Misionária nian, atu hatudu Obras Propaganda Fiar nian, mak okaziaun ne'ebe loos atu fuan misionária comunidade kristaun nian bele hola parte iha orasaun, ho sasin moris nia no tau hamutuk rikusoin, atu hatan sira ne'ebe iha situasaun grave nesesidade evanjelizasaun nian.

### **Halo misaun ho Maria, Inan evanjelizasaun nian**

10. Maun alin inan feto doben sira, mai ita halo misaun foti inspirasaun husi Maria, Inan evanjelizasaun nian. Nia mak bo'ok husi Espirito, simu Lia-Fuan moris iha profundidade iha ninia fiar haraik-an nian. Inan Virgem tulun ita atu dehan ita nia "si". Atu haklaken Lia-Foun di'ak iha ita nia tempo; nia hakunu ita ho ardor Kristu moris hias nian atu lori Evanjellu moris nian ne'ebe manan tiha ona mate; harohan mai ita atu bele manan laran manas santa nian atu buka dalan foun atu bele to'o ba ema hotu-hotu dom salvasaun nian.

Husi Vaticano, 4 juñu 2017 Solenidade Pentecoste nian.